

КАМОЛИДДИН МИНГБОЕВ

МИНГБОШИ

Тарихий-бадиий қисса

«ШАРҚ» НАШРИЁТ-МАТБАА
АКЦИЯДОРЛИК КОМПАНИЯСИ
БОШ ТАҲРИРИЯТИ
ТОШКЕНТ — 2007

84(59)6-44 Узб. әдаб, асарлари

М-52

10 32822
Og.

Мингбоев Камолиддин

Мингбоши: Тарихий-бадиий қисса. — Т.: «Шарқ», 2007. — 40 б.

Тарих шахсларни яратади, шахслар эса уларни ҳаракатта келтиради. Агар ҳаёт шунчаки эсноқ баандалардангина иборат бўлганда жамият тараққиёти бўлмасди.

Ёш қаламкаш Камолиддин Мингбоевнинг мазкур асари умумхалқ манфаати, миллат манфаати йўлида том маънода фидойи бўлган тарихий шахслардан бири ҳақида.

Асар бадиий адабиёт ихлосмандларида илиқ таассурот қолдиради, дея умид қиласиз.

ББК.84(59)6

20	07	Alisher Navciy
		nomidagi
		O'zbekiston Mif

*Гулдек бола, гуллар ўтсин лабингдан,
Тўтиқушлар сабоқ олсин гапингдан,
Ўргилайин болалик мансабингдан,
Бола, мансабингта ҳавас қиласман,
Сени улуғ, ўзимни паст қиласман...*

Шафоат Раҳматулло Термизий

Карвон гарчи шаҳарга яқинлашиб қолган бўлса-да, Тошкентбой олимнинг сабри чидамади. Энг чопқир отлардан бирининг жиловини шаҳарга томон қўйиб юборди.

Тошкентбой исмининг ёнига «олим» сўзини қўшиб айтилишига асосий сабаб, унинг тижорат тифайли жаҳонгашталигига ишора бўлса, бошқа бир сабаби — ҳам диний, ҳам дунёвий билимлардан хабардорлиги эди. Боз устига маҳаллада баланд ҳимматлиги билан донг тараттан Тошкентбой олимнинг манзур фазилатларидан бири донишмандлиги ҳисобланарди. Аммо: «Сиз жуда сахийсиз», деган тарифдан тоҳо ўнгайсиз ахволга тушса, тоҳида «Сахий — Аллоҳдир! Ундан бошқа ҳеч ким сахий бўлолмайди, ҳаргиз. Билингизлар-ким, мени-да хайру эҳсон қилаёттган молларим, аслида Ўша зотникидир», деб қўярди ва хижолатпазлиқдан кутиларди.

Карвондаги энг чопқир отни елдириб бораёттган Тошкентбой олим кенжаки ўтилчаси — Усмонни нақадар соғинганини яна бир маротаба юрак-юрақдан ҳис этди. Усмонни бағрига босиб, суюёттанини тасаввур қилар экан, юраги орзиқди.

Шаҳарга бир чақиримча қолганда Тошкентбой олим отнинг жиловидан тортиб, ўз хаёллари оғушида оҳисста маҳаллага кириб бораркан, йўлида дуч келган маҳалладошлари билан қуюқ салом-алиқдан сўнг, уларга эҳсон қилди.

Қашқар маҳалласи аҳли унинг бу одатини билар ва доимо қўл очиб дуо қиласардилар. Тошкентбой олим

туфайли унинг аҳди оиласини ҳам зўр эҳтиромга муносиб билишарди. Маҳалланинг катта-кичик барча йиғилларига бу хонадон таклиф этилмасдан қолмас, ўз ўрнида маҳалладаги бошқа бой-савдогарлардан фарқли ўлароқ маърака соҳибини бой, камбағал, деб ажратмасдан барига иштирок этишар ва аксар, Тошкентбой олимнинг ўзи қўрбоши бўларди.

Икки табақали дарвозага яқинлашар экан, юраги янада гупира бошлади. Ахир, саккиз ой бурун шу дарвозадан бола-чақаси кузатиб қолиб зди-да. «Ким биринчи бўлиб кутиб олар экан-а?» Шу тобда миясидан лоп этиб ўтган фикрдан дили яйраб кетди. «Онадан бошқа ким ҳам кутиб оларди? Эҳ, бечора онаизор!» Дарвозадан дастлаб суюнчига кирган қўшнининг икки боласи, сўнгра онаси югуриб чиқди.

— Ўғлим! Келдингизми? Оллоҳимга минг қатла шукрлар бўлсин-а. Омонмисиз? — шундай дея Тошкентбой олимни бағрига босган онанинг кўзларидан севинч ёшлари маржон янглиғ кўксига тизилди.

Улар етаклашиб ичкари ҳовлига киришар экан, Тошкентбой шошиб ўрли Усмонни сўроқлади:

— Ойи, бу Усмонхон кўринмадилар?

— Усмонхонингиз кичкина бола эмас, дадаси. Мадрасага — сабогига кетиб эди, — дея Тошкентбой олимнинг завжаси унга пешвуз чиқди.

— Ҳали вақт бор эди, шекилли, ойи.

— Ҳе, қаёқда дейсиз, ўғлим. Мадрасага бериб келдик ҳамки, қулоғимиз тинчили. Бунинг устига бир ажабтовур қилиқлар чиқарган, денг... ҳайронман кимга торттан экан-а?

— Ҳа, энди ойи, бола-бола-да. Ҳар хил инжиқ қилиқлар уларга хос. Тарки одат — амри маҳол.

— Оҳ, қанийди, ўғлингизнинг одати шўх-ўйинқароқ болаларнинг одатига ўхшаса эди. Унақа эмас-да.

— Қанақа? — қошлари чимирилди Тошкентбой олимнинг.

— Ҳали замон бекваччаларга ўхшаб, шаҳдам қадамлар билан кириб келади. Ана ўшандага кўрасиз. Вой, эсим қурсин-а, келин, бирон кишини топиб Усмонхонга юборинг, бўлмаса нақд балога қоламиз-а.

— Нима, тўполон ҳам қиладими?

— Оҳ, қанийди тўполон қилса, йўқ, аксинча, ичим-

дагини топинглар, дегандай қўлига сизнинг қамчин-гизни олиб... мана бундай ҳовли бўйлаб юриб, қамчинни этигига қарсиллатиб ураверади.

Шундай дея, даст ўрнидан турган аёл, боланинг қандай қилиб юришини кўрсатиб берди.

Ҳовлига боғ томондан кириларди. Богнинг ўргасидан йўл бўлиб, унинг ҳар жой-ҳар жойида, худди истироҳат боғларидағи сиёқ ўриндиқлар ўрнатилган. Тошкентбой олим уйланмасдан один Шарқ мамла-катларидан бирига бориб, бозорда танишиб қолган бой-савдогарларнинг уйида меҳмон бўлган ва унинг ҳовлисини кўриб, кўнглига тутиб қўйган эди. Мана, нияти холис экан, ҳозир ўшандоқ ҳовлига, уй-жойга соҳиб бўлиб туриби.

Онасининг ўғлига тақлидини индамасдан кузатиб турган Тошкентбой олим мийигида кулиб қўйди. Она шошиб яна гап бошлиди. Гёё ўғли худди шу турган жойидан орқага қайтиб кетаёттаандек эди назарида.

— Мадрасага қатнашни бошлабдики, танга йифадур.

— Тангани не қилирмиш, ойи? — ҳайрон бўлиб сўради Тошкентбой олим.

— Бизларға-да айтмаб эди, тунов куни ўзи ёрилиб қолди.

— Хўш-хўш, не сири бор эркан, ойи? — қизиқси-ниб сўради у.

— Мен энди улрайиб қолдим, дадамнинг суюнчи-сини ўзимдан олишсин, дейдур, ўғлим. Эй, тавба, Оллоҳим умрини баракотли қиласин, ишқилиб, билмадим, билмадим, кимга тортди экан-а? Ҳой, келин, Усмон-хонга киши жўнатдингизму?

— Юбордик, ойи, юбордик. Қўшнимиз Равзатилло сўфини юбордик.

— Ҳа, ўғлингизга шу сўфи бас келмаса, бошқасини бардоши етмайдурғон кўринади.

— Ойи, бир оз ошириб юбормадингизми-а?

Тошкентбой олимнинг сўнгти сўзи сухбатта якун ясали мумкин эди, лекин қўлларини орқага қилиб, катталарга ҳос савлат тўйканча, шаҳдам қадамлар билан маҳалла масжидининг сўфиси Равзатилло аканинг орқасидан Усмонхон келарди.

Ўғлининг бундай тутими Тошкентбой олимнинг кул-гисини қистаса-да, аммо ўзини тииди. Лекин барибир Усмонхон болалигига бориб, чидай олмади. Дадаси-

нинг бағрига отиљди. У Тошкентбой олимнинг кенг күкраги ичра гүё сингиб кеттандай бўлди.

Ота-бала хийла пайтгача шу аҳволда туришди, сўнгра Усмонхон ширин тил билан:

— Дада, уйга кирайлик, — деди.

Боядан буён ҳовлида гаплашиб турганлиги ва на хотини, на ойиси уйга таклиф этмаганилиги Тошкентбой олимнинг ўзига ҳам ғалати туюлди. «Эркак — эркак-да», деган ўй шу заҳотиёқ миясида чарх урди-ю, кайфияти кўтарилиди.

— Эй, бормисиз, Усмонхон ўғлим. Ахир, боядан буён на ойингиз, на бувингиз мени уйга негадир чорлашмайдурлар. Сиз бу ҳол сабабини билмайсизми, мабодо, Усмонхон?

Усмонхон бир оз сукутдан сўнг, кафтини пешона-сига тираганча дадасига сўз қотди.

— Дадажон, уэр. Агар изн берсангиз, камина бу борада сизга савол беришдан бошқа чорам йўқ.

Тошкентбой олимнинг ўғлига нисбатан меҳри ошгандан ошиди. Ҳали жавоб бериб улгурмаган саволининг нечорлик ростлигига қизиқсиниб:

— Усмонхон, бемалол, ўғлим. Ҳеч-да тортинмангиз, — деди.

— Ҳовлига кириб келишингиз заҳоти каминани йўқлагандирсиз? — деди кўзларини пирпиратганча Усмонхон.

Ўғлидан бу тариқа муомалани кутмаган Тошкентбой олим янада қизиқсиниб, онасига қаради. Онаси: «Мана шунаقا», дегандек сукут сақларди.

— Усмонхон, биласиз-ку, ҳовлига пойим етиб-етмаёқ сизни сўроқлаб здим.

— Ва алар каминанинг устидан сизга арз бошладилар, шундоқми?

Тошкентбой олим ўғлининг зукколигига тамомила қойил қолди.

Уйга кирдилар. Пешайвонлик кенг уй саҳнида қачонлардан буён тузатилган дастурхон, ҳовли беки — Тошкентбой олимга мунтазар эди. У севимли таоми — жўжа гўштидан тайёрланган қовурдокқа кўзи тушиши билан иштаҳаси очилиб кетди. Қорни очганини ва бир оз толиққанини кимхоб кўрпачага чўккан чорида сезди. Равзатилло сўфи ҳам дастурхонга таклиф этилди.

Бир лаган жўжа гўштини обдан туширган Тошкент-

бой олим ёёлик қўлларини артар экан, Усмонхонни ҳеч нарса тотинмай ўтирганини пайқаб:

— Хўш, нечун хомушсиз? Ёки таом ёқмадими?

— Дада, узримен, рўзамен. Ойимдан рухсат сўраб, оғиз бойлаганмен.

Тошкентбой олим чиндан-да довдираб қолаёзди. Бир муддат тили калимага келмади. Орага чўккан сукутни Равзатилло сўфининг томоқ қириши бузди.

— Дадажон, изн берсангиз, қайнокроқ чой олиб келсан, — деди Усмонхон.

Чуқур ўйга толган Тошкентбой олим бошини сарак-сарак қилиб розилик билдириди, аммо Усмонхоннинг нимага изн сўраганини уйлаб-да кўргани йўқ эди. Усмонхон чиқиб кетар экан, Равзатилло сўфи қайта томоқ қирди.

— Кўшни, сўйлай беринг, қулогим сизда, — чуқур хўрсиниб деди Тошкентбой. Унинг кўзларида ёш йилтілләди.

— Ҳамсоя, — гап бошлади сўфи. У ўзбекчани бир оз бузиброқ талаффуз қилас, унинг бу оҳангига ўзига ярашарди.

— Акун, ҳамсоя, ўзингиздан қолар гап йўқ. Усмонхоннинг умрини бу ерда шамолга совуришдан ҳеч наф йўқ. Бўладиган бола — бошидан маълум. Ўғлингизнинг баъзи бир саволларига киши лол қолади. Акун, Усмонхонни Бухоро мадрасаларидан бирига юбормоқ керақдур. Бухорои шарифда жуда ўткир домуллолар бор. Улар фиқҳдан, ҳандаса-ю, жустрофиядан сабоқ берадирлар. Ҳартугул...

Сўфига қулоқ тутиб ўтирган Тошкентбой олимнинг хаёли Усмонхоннинг сўнгти сўзларида эди. «Нега» деган савол унинг миясида чарх уради. Барибир дилдаги тилига чўқди.

— Сўфи, Усмонхон нечун рўза тутди экан-а? Билмайсизми?

Сўфи Тошкентбойнинг «бilmайсизми» деган сўзини «сўрамадингизми» деб англади. Шошиб жавоб берди:

— Ҳамсоя, сўрадик, сўрадик. Оҳ-оҳ! Унинг жавобини эшиштан кимсанинг кўнглида Оллоҳга нисбатан заррача муҳаббат бўлса, худди Усмонхон сингари тунлари қоим, кундузлари соим бўларди. Ахир, ҳозирданоқ маҳалладошларимиз Усмонхонни катта ёшли йигитларга ибрат қилиб кўрсатмоқдалар.

— Бу ҳолни не деб тушунмоқ керак, сўфи?

— Оллоҳимнинг ўзларига берган яна бир марҳамати, ҳамсоя. Ахир, бу шаҳарда бой-бадавлат савдо-гарлар бисёр, аммо аларнинг фарзандлари сиззи фарзандингиз каби эмасдур. Ана, Ҳамидулло бойнинг ўғли, майшатига ақча ундуромағач, падарининг жонига қасд қилмиш. Ҳафта-үн кунлардан бүён, ҳар қаерга борманг, қай бир маъракада ўтируманг, аларнинг воқеаси. Падаркушликнинг тафсилоти. Аслида сухбатга лойиқ тафсилот эмасдур, локин не дейсиз? Авом ҳалқ учун бундан-да сози йўқ. Қани энди менда-да давлат бўлса-ю...

— Хўш, хўш, не қилардингиз, сўфи? — қизиқсимиб сўради Тошкентбой олим.

— Ўглимни Бухорои шарифга ўқишига юборар эдим. Эртан рўзи қиёматда юзим ёруғ бўларди-да, ҳамсоя.

— Майлингиз, сўфи, нафақат Усмонхон, балки сиззи фарзандларингиз ҳам илм олишга борадур. — деди ўйлаб ўтирумасдан Тошкентбой олим. — Ҳа, айтмоқчи, маҳаллада етим болалар, яна сармояси ҳаминқадар кишилар бор, агар сизга малол келмаса, алар бирлан сўзлашсалар. Илм олмоққа аларнинг рағбати бўлса, биззи фарзандларимизга ҳамроҳ бўлгайлар. Барча харжатлар менинг гарданимдадир.

* * *

Равзатилло сўфи Тошкентбой олимни узуңдан-узоқ дую қилиб, ўрнидан қўзғалар экан, ўзини худди навқирон йигитлардек ҳис этарди. Уй соҳибининг сўзлари унга қанот баҳш этган эди. У ўша куниёқ мўлжалидаги хонадонларнинг ҳаммасига бир-бир кириб чиқди. Тошкентбой олимнинг бу муруввати бир зумда маҳаллага хушкабар бўлиб тарқалди. Шомга яқин фарзандини илм олмоққа юбормоқ мақсадидаги оталардан беш-олти нафари Тошкентбой олимнинг меҳмонхонасида ўтиради. Қанчалик тез тайёр бўлган палов шунчалик қисқа фурсатда тановул этиб бўлинди. Дастурхонга фотиҳа ўқилгач, бир маслаҳатга келишилди. Маҳалладаги йигитларни Равзатилло сўфининг ўзи Бухорои шарифга олиб борадиган бўлди.

Меҳмонлар хуфтон номозига яқин тарқалишиди.

* * *

Мен ишқ элининг нолаю ағғонида күйдим,
Кўнгил уйининг оташи армонида күйдим.
Мехр тилабон ўтса агар ошиқи зорлар
Мехримни бериб мен эса тавонида күйдим
Мушкул эди йўл, ранж ила изҳорига етдим.
Сизлар кўйида, мен эса домонида күйдим...

Сирожиддин Сайид.

Карвон одатдаги суръат билан шаҳарга таллинарди. Тошкентбой олим ҳар галгидек чопқир отлардан бирини миниб, жиловини шаҳар томон қўйиб борар экан, ўзича ўйларди. Ё, тавба фарзанднинг ўзи-ку ширин бўлади, аммо... Эй, одамлар билиб айтади, «данагидан-да мағзи ширин», деб.

Тошкентбой олим сафарга отланганида Усмонхоннинг ўғли икки ойлик чақалоқ, эди балки, тили ҳам чиқиб қолгандир. Ҳа, агар отасига тортса, тили чиқиб, бийрон-бийрон гапираётган бўлса, ажабмас...

Маҳалла кўчасига бурилиши биланоқ, негадир Тошкентбой олимнинг дили ғашланди. Кўчаларда одамлар сийрак. Кўрингандари ҳам қандайдир безовта, хавотирли, Тошкентбой олимнинг кўнгли баттар ғашланди.

Дарвозаси қаршисида тумонат одамни кўрган Тошкентбой олимнинг бошидан ҳуши учди. «Нега бу қадар одамлар кўп?». Ҳаёлидан шу ўй ўтар-ўтмас кўзи Равзатиллога тушди. Равзатилло сўфи унга пешвоз чиқиши ўрнига, ўзини ичкарига — ҳовлига урди. «Бир бало бўлганми ўзи? Нима бўлди экан-а?» Тошкентбой олим ўйлаб ўйига етолмади. Дарвоза ёнбошида турганлардан бири, у билан қучоқлашиб кўришар экан.

— Бой ака, бардам бўлинг, бандалик, — деди титраган овоз билан.

Ҳали ҳам гап нимадалигини англаб етмаган Тошкентбой олимнинг дилидаги тилига зўрға чиқиб:

— Ким? — дея олди, колос.

Орага сукунат чўқди. Ҳали ҳовли-ҳарам қилиб, бирон маротаба бўлсин ўлиқ чиқмаган уй, бундай пайтда жуда хунук бўлар экан. Эҳ-ҳе, бу ҳовлини макон тутибдики, меҳмондорчилигу хурсандчиликдан бу иморатлару ёюч сўриларни эси кетган, ахир. Ўғли Усмонхонни уйлантирганда ҳам бунчалик кўп одам йигилгани йўқ эди-я. Ҳа, шундай пайтда билинади дўст билан

душман. Эй, йўқ, ахир бундай кунингда душманинг ҳам келиши мумкин-ку. Ёки келмайдимикин? Йўқ, келади! Аниқки, келади. Балки, дўстларингдан ҳам кўпроқ ўзини куюнчакроқ қилиб кўрсатар. Ахир ҳаёт шундай-ку. Дўстинг дилидан йиглайди, душманинг тилидан. Ҳамидуллобойнинг жанозаси, мана шундоққина, худди кечагидек эсида-ку. Ўшанда жаноза куни нақд қиёмат бўлибди-да, деб ўйлаш мумкин эди. Ҳамидуллобойнинг уйида юрган қароли Эргаш новча чунонам фарёд солиб йиглаган эдики, асти кўяверасиз. Йўқ, Ҳамидуллобой кичкина одам эмас, балки ўрис ҳукуматининг одами эди, ахир. Суд маҳкамасидаги мalla сочлик йигит бир ҳафта тиним-ором билмади, шўрлик. Сўраб-суриштирди, ўрганди. Ахiri, мана Ҳамидуллобойнинг жонига қасд қилганни топди. Бечора бу орада марҳум бойнинг ўғли бекордан-бекорга Сибирь бўлиб кетди.

Наҳотки, Эргаш новча шунчаликка борган бўлса? Ахир, кўчада қолиб кеттанида унинг жонига Ҳамидуллобой оро кирган эмасми? Охирги маротаба Ҳамидуллобой билан қачон учрашиб эдим-а? Ҳа-ҳа, курбон ҳайити арафасида. Ўшанда Ҳамидуллобой шундай деган эди: «Ҳайрон қоламан укамга. (Ёшлигида укалари қизамиқдан ўлиб кеттанлиги учун бор меҳрини шу — Эргаш новчага берган бўлиб, уни укам дер эди.) Тунов куни уйлантириб кўяй, десам, унамади-я». Мана, унамаганининг сабаби бу ёқда экан-да. Ё алҳазар-о! Ҳамидуллобойнинг кичкина хотини Салимабону билан тил бириктириб, ё алҳазар, ё алҳазар, туннинг ярмида чавақлаб ташласа-я...

Тошкентбой олимнинг хаёлини Усмонхоннинг:

— Келинингиздан ажralиб қолдик, дада! — деган гапи тўзғитиб юборди.

— Қачон? Нима бўлган эди?

Тошкентбой олимнинг сўзлари бўғизидан зўра чиқди.

Томогига бир нима тиқилди. Базўр нафас олар экан, яна сўради:

— Усмонхон нима бўлди?

— Дада, шаҳарга вабо тарқалди. Ўрисларнинг табиблари ҳам ҳеч нима қилолмаётир. Бу хасталик барабаринда очарчилик ҳалқнинг тинкасини қурилди. Эх, бечора Дишода! Жуда ажойиб аёл эди-да...

Усмонхоннинг гапи оғзида қолди. Отаси шошиб сўради.

— Ўрлинг қани? Аҳволи қандай?

— Хавотир олмангиз, у аммаларининг қўлидадир. Мана, ўн етти кун бўлибдики, Насиба ойим уйига богани йўқ. Яхшиямки, куёвимиз кўп мўмин-қобил йигит-да.

— Хўш, эгачингиз недин хавотирланадур? — сўради отаси.

— Дишодадин бизга ҳеч ёдгорлик қолмади, боласини олиб кетамиз, — дебди Аминабека.

— Аминабека бекалигини Тўрахоннинг хонадонида қиласадир, — ғазаб билан деди Тошкентбой олим. Бу сұхбатни Усмонхоннинг қайногаси Абдураҳмон ҳам эшитиб турган экан:

— Бой ака, заифа заифа-да. Синглиси жувонмарг бўубиб кеттани сабабли аламидан шундай дегандир. Афв этинг, уни, бой ака, раҳматлининг фарзанди шу хона-донда қоладур.

Қайногасининг бу гали сұхбатга якун ясади. Боядан буён ташқарида тик туравериб бели қотиб қолган Тошкентбой олим домла-имомлар ўтирган уйга эмас, балки ичкари ҳовлига ўтди. Тўғри, аёллар ўтирган уй саҳнаси олдида тўхтар экан, томоқ қириб олди-да қизи — Насибабонунинг исмини айтиб чақириди.

Отасининг овозини эшитган заҳотиёқ Насибабону ичкаридан дурсиллаб чиқди:

— Дадажон, дадажоним келибдурлар!

Насибабону ўзини отасининг бағрига ташлади. Тошкентбой олимнинг суюкли фарзандларидан яна бири шу Насибабону — қизи эди.

— Усмонхоннинг фарзандини сизга топширдик, бону. Аҳли оиласизга муносиб ва содик қилиб тарбия эттайсиз, деган умиддамен.

— Албатта, дадажон, албатта. Ишончингизни оқдайдурмен. Хўб миннатдормен, падарибузрукворим. Сиз менга давлатингизнинг ярмини бердингиз, гўё... Қалбимни...

Насибабону бошқа гапира олмади. Йигидаң ўзини зўрға тўхтатиб, ичкарига кириб кетди-ю, барибир ўзини ортиқ тутиб туришга куч топа олмади. Хонага кириши биланоқ эзилиб йиглаб юборди.

— Дишодаҳоним, мен ғариб олангиз учун дунёга келибмидингиз?..

Насибабонунинг овози энди ташқари ҳовлига ҳам эшитилиб турарди. Унинг овозидан хижолат тортган

эри шаҳдам қадамлар ташлаб ичкари ҳовлига кириб кетди.

Қизининг бу гали Тошкентбой олимнинг дилини чунонам ғашладики:

— Дилшода, қизим! — деб бақириб юборганини билмай қолди.

Тошкентбой олим шу ёшга кириб, ҳатто шамоллаб қолганини эслай олмайди. Шомга яқин иситмалаб ётиб қолди.

* * *

1892 йилнинг август ойи. Тошкентбой олим келини вафотидан сўнг, узоқ муддат тўшакка михланиб қолди. Айниқса, сўнгти ўн кун ичида жуда озиб-тўзиб кетди.

Хуфтон намозидан сўнг ўрнига чўзилган Усмонхон сўнгти икки ой ичида атрофида кечган воқеаларни ўзича таҳдил қилас ва сурункали уйқусизлик, толиқиши оқибатида фикрлари чалкашиб кетганди. У яна Эски шаҳар оқсоқоли Мұхаммад Ёкуб ҳақида ўйларди. Мұхаммад Ёқубнинг сўнгти вақт ўзини тутиши Усмонхонни ташвишга солар, натижада унга нисбатан хоин, деб ҳукм чиқармоқчи бўларди. Бу падарлаънат ҳали жуда кўп бегуноҳдарнинг оёғидан чалади-ёв. Ҳа, ўшанда нечун Азизёр Эшон ёки Абулқосимхўжанинг айттнларига ишонмадим-а. Мана, оқибати. Ҳар қадамда оёғингга болта уришга тайёр турибди. Энди ҳушёроқ бўлиш керак. Эҳ, мендан-да бозор оқсоқоли Зиёмұхаммад тадбиркор ва узоқни кўра биладиган экан. Ўшанда жуда тиришиб, қаршилик кўрсатган эди.

— Усмонхон, ҳарҳолда юртда мингбошисиз. Пухта ўйлаб, сўнг бир мақбул тўхтамга келарсиз. Сиз айтқон кишини камина сўраб-суруштириб кўрдим. Зотининг тайини йўқ, дарбадар бир киши эркан. Қаердан кўчиб келгани ҳам маълум эрмас. Отоси ким, оноси ким, ҳеч кимса билмайдур. Алқисса, Саъдий Шерозийнинг мана бу каломи унинг ҳақида битилгандек:

*Саъдиё, Шерозиё, панде макун гумзодро,
Гумзод агар оқил шаваг, гардан занад устодро.*

Усмонхон шу байтни нимагадир хотирасида сақлаб қолган эди. Сўнгги кунларда уни бот-бот эсга олар, ҳар бир сўзининг мағзини чақиб, мулоҳаза қиласарди. Гарчи, Бухорода ўқиб юрган кезларида форс, араб, рус тили ва унча-мунча фарангларнинг тилини ҳам

ўрганган бўлса-да, шу кунларда ўзини нимагадир форсийга тиши ўтматгандек ҳис қиласди. Бу сатрлар вақт ўтиб, энди ўз «кучини» кўрсатаётгандек эди. Бир хаёли, эрталаб тонг саҳар туриб Зиёмуҳаммаднинг уйига ҳам бормоқчи бўлди-ю, аммо тўшакда михланиб қолган отасини ташлаб кетишга кўзи қиймади.

У хаёллар гирдобида ётар экан, масжид муаззини бомдодга аzon айтганини ҳам сал бўлмаса сезмай қолаёзганди. Кунбўйи ер чопган дехқондек танаси оғир аҳволда ўрнидан турди. Руҳи жуда чўкиб кетган зринибгина ўрнидан қўзғалди.

Ҳали бомдод намозини тугатмай, дарвозадан «Тўрам» деган овоз эшитилди. Кун оқариб бораётган бўлса-да, кўлига ўнинчи фонарни олиб: «Хозир, бора-япман», деганча дарвозага томон юрди.

«Тинчликмикин?» Кўнглидан кечган ўй шу бўлди. Дарвозани очаркан, қархисида боягина кўнглидан ўтказиб турган бозор оқсоқоли Зиёмуҳаммад турарди. Улар тенгдош бўлсалар-да, бир-бирларини сенсирамасдилар, билмаганлар икковларини қариндош бўлсалар керак деб ўйлашарди. Одатта кўра, узоқ кўришмаган яқинлардек қучоқлашиб кўришдилар.

— Ўзим келмасам, бир йўқлаб борай ҳам демай-сизда-а?

— Агарки, сўзимиизга бовар этсангиз, бир муддат бурунроқ сизни хаёлимдан ўтказиб туриб эдим.

— Оллоҳга шукрки, ҳамон хаёлингизда эканман, демакки, хонадонингизга бемалол кираверишим мумкин бўлар.

Усмонхон бир оз хижолат тортиб:

— Маъзур туттайсиз, Зиёмуҳаммад, дўстим. Қани, марҳабо, марҳабо, хуш келибсиз, — дея ичкарига бошлиди.

Икки дўст, икки маслақдош биргаллашиб, меҳмонхонага ўтдилар.

Хонада аллақачон дастурхон ёзирлик, барча нознеъматлар муҳайё этилган эди. Шундай ҳолни бу хонадонда жуда кўп кўрган Зиёмуҳаммад оқсоқол:

— Шундай ходимни етказган Яраттанинг ўзига шукроналар айтсангиз арзийди, тўрам.

— Ҳамду санони-ку ҳар вақт айтиб турибмиз, аммо ходим сўзини минбаъд айтмангиз.

Зиёмуҳаммад оқсоқол савол назари билан Усмонхонга қаради.

— Дўстим, сиздан яшириб не қилдим. Биласизки, бизнинг ташқари ҳовлида Оллоҳнинг иродаси ва тақдирнинг тақозоси ила уй-жойсиз, ватансиз қолғонлардан бир неча нафари истиқомат қилиб турадилар. Бир куни бир хизматкор керак бўлиб қолиб ойим ташқари ҳовлига ўтадилар. Бошқалардан ўзининг нимаси биландир ажралиб турган Ҳасанхонга нигоҳдари тушади. Ойим истараси иссиқ бу йигитни ҳафта-ўн кун зимдан синаб, кузатиб юрадилар. Кунлардан бир куни боғ ичкарисидан сознинг майин садолари остида нозик овозда кимдир кўшиқ куйлади. Ойим ҳайрон бўлиб, секин боғ ичкарисинга кириб қарасаларки, шу Ҳасанхон жозибага тushiб юрт ҳақида, ўзи туғилган қишлоғининг ҳусни жамолини мақтаб чунонам куйлаёттан экан. Кўшиқдан сел бўлиб кеттан ойим кичкина эгачимиз Гулбаданхонимнинг рақста тушаёттанини кўриб, бир вақтгача туш бўлса керак, деб тураверадилар...

Ҳасанхон тонгта яқин қуйлашни бас қилиб, эгачимиз билан хайрлапиадида, ўзининг хонасига кетади. Эгачимиз Гулбаданхонимни ойим эшик олдида туриб кутиб оладилар...

Бомдоддан кейин, маҳкамама юмушларига жўнаш олдидан қирқ саҳифа китоб ўқийдурғон одатим бор, дўстим. Китобни қўлга олишим биланоқ, остоноада ойим пайдо бўлиб турибдилар. «Тинчликми?» дегандек боқдим. Қаршимга келиб, оҳистагина ўтирдилар. Аввал маҳкаманинг юмушларидан, сўнгра... умуман ҳозирда хотирамдан фаромуш бўлаёзибди, хуллас, Фарғона вилоятига юборишга ишончли кишинг борми, дедилар. Ҳайронлиқда саволлариға савол ила жавоб қилдим.

— Ойи, тинчликми?

— Ҳасанхоннинг қавм-қариндоши, насл-насабини сўраб билмоқ керак.

Ортиқча саволга ўрин қолмаган эрди, шунинг учунким, ойимнинг феъли атвори ҳаммадан-да менга маълумроқ.

Алалоқибат, не дейсизки, ўн кун ичинда водий тарафиндаги ишончли кишиларимиздан жавоб келди. Асли зоти хўб ва кўп мўътабар зотлардан бўлиб, бир фалокатдин бутун бошлиқ оиласдан тасодиф бирлан шу ўғлон омон қолғон эркан. Энди, Зиёмуҳаммад, ўзингиздан қолар гап йўқ. Эрта-индин эгачимизни Ҳасан-

хонға түй қилиб берамиз, деганимиз устиға мана бу күргилик...

— Оллоҳнинг иродаси, ер юзинда барча күргилик Оллоҳдан эканлиги барчамизга аён. Сабр берсин, барчамизга, сабр...

— Эҳ, ҳойнаҳой каминанинг дардларини эшитгани келмагандирсиз, дўстим. Сўзлангиз, оламда не гап. Зиё-муҳаммад?

Оқсоқол Зиёмуҳаммад боядан буён гапни нимадан бошласам экан, деб иккиланиб ўтириб эди.

— Эй, дўсти азизим, қай бирин сўзлайу қай бирини шарҳ айлай?

— Тинчлики? — бир оз саросимага тушган Усмонхон жиддий ҳодиса рўй берганини ҳис этиб, яна сўроқлай бошлади. Шаҳарда нима гап? Палид Самсонов яна қандай буйруқ чиқарди эркан-а?

— Йўқ, йўқ, тўрам! Ўша палиднинг буйругими ёхуд бошқасиникими, ҳархолда, била олмадик. Аммо кеча жуда хунук воқеа рўй берди. Ҳеч илож қолмагач, Азизёр Эшон, Абулқосимхўжалар бўлинниб, ҳалқни йигиб — шаҳар бошлиғи Путинцев ҳузуриға бордик...

— Тўхтанг, оқсоқол, сабр этинг. Нималар деяпсиз, ахир? Нега ҳалқни йигасиз, нега борасизлар? Эй, худо... қачон ғафлат уйқусидан уйронасизлар-а?.. Демак, аскарлар келиб сизларни ўққа тутишибди-да?

— Шундай, шундай. Аммо...

— Эшитганим йўқ, дўстим...

— Унда оломонни ўққа тутрони сизза нечук маълум бўлди?

— Шунинг учунки, камина улар орасида юраверуб, бу келгиндиларнинг миллатимизга бўлғон муносабатларини хўб билармен ва энг қўрқинчли томони шундаки, ҳалқимизнинг заиф томонларини билурлар. Аларнинг юртимизни осонгина босиб олғонлари ҳам шундан, тақсирам.

— Ҳмм, гап бу ёқда дент, тўрам.

— Хўш, ундан сўнг, не бўлди?

— Не бўлишини айтдингиз-ку.

— Мен, не бўлғонини айтдим, аммо сиз не учун маҳкамага бориб эдингиз, бу хусусда сўзламадингиз-ку.

— Ҳа-ҳа, хаёлимдан кўтарилай дебди, тўрам. Маълумингизким, шаҳар маъмурлари бирлан тўртта янги қабристон очарға кенташдим. Алар розилик бердилар.

Аммо, мана уч кундирки, шаҳардаги ўн икки қабристонға, биттә-да бўлсин майитларимиздин кўмишга рухсат йўқ. Одамларимиз ноиложлиқдан эски қабристонларға кўмишмоқда. Яна денг, тўрам, Муҳаммад Ёқуб дегони бор — сотқин, ул модаркуш, ўликларни оташга куйдиринглар, деб буйруқ бериди. Афсуски, уни шу гапни айтгон замонидаёқ ушлай олишмабди. Маҳкамага кириб олиб беркинибди. Биз халқ бирла уни талаб этиб борганимиз...

Ташқарида кимдир томоқ қирди. Отасининг овозини бир чақиримдан танийдиган Усмонхон меҳмондан узр сўради-ю, шартта ўрнидан туриб, ташқарига чиқмоқчи бўлган эди, эшик очилиб Тошкентбой олимнинг ўзи кўринди. Бетоблиги туфайли ранглари бироз синиқсан бўлса-да, кўзлари ўша-ўша маънодор, меҳрли эди.

— Усмонхон, бу биззи оқсоқол келғон эркан, хабар ҳам берай демабсизда.

Ҳазил тариқасида айтилган гапдан кўнгли ўсган Зиёмуҳаммад оқсоқол ўрнидан туриб қўлини кўксига қўяр экан:

— Эшитишимча, Урусия томондаги зовутларга ишга чиқмаган рабочийға, иш ҳақи ўрнинда, борогул ёзармишлар. Энди, сизга-да шундай ёзармиз, бой ака.

— Ҳе, оқсоқол-а, бирламчидан гап шулки, борогул эмасдур, балким «прогул», яъни ишга сабабсиз чиқмағон ишчини шундай атайдурлар. Иккиламчи, Усмонхон айтқондир, камина бетобмен, ука мулло. Вужудим даво топар, аммо дилим хастадур, ҳа, дил хасталигининг давоси бормикин-а?

Ҳеч нима тушунмай серрайиб қолган Зиёмуҳаммаднинг жонига Усмонхон оро кирди.

— Дада, узр, уриниб қолмасмиkinsiz-а?

— Ай, ўғлим-а, қанийди биргина отангиз уриниб қолса эди. Ахир, шўрлик халқ уриниб қолибди-ку, золимларнинг дастидан. Элда ажойиб бир нақл бордур: «Ўзингдан чиққан балога, қайга борурсан даъвога».

Гап нима хусусда эканини сезган Зиёмуҳаммад Тошкентбой олимнинг гапини маъқуллаб кетди:

— Ҳа, ўлманг, бой ака. Мен ҳам доимо шу фикрдамен ва билингки қайрудамен. Мана, Муҳаммад Ёқубни олайлик. Кимсен, Эски шаҳарнинг оқсоқоли. Ҳе, ўзи-да мусулмон бўлиб турғон бир пайтда халқининг

ёнини олмайдур, балки очиқдан-очиқ пора талаб қылардур. Мен, ўша оқсоқол этиб тайинланадурғон вақтинга Мирусмонхонга айтиб эрдимки, зинҳор-базинҳор бу касофатни шундай обрўли вазифага тайинламоқ ақлдан эрмас, деб. Мана, оқибати.

Зиёмуҳаммад ёниб-куйиб гапиргани сайин ота-бала мулойимгина кулганларича қараб туришарди. Уларнинг бу кулиси, албатта, Зиёмуҳаммадни ажаблантирилгансдан қолмади. Буни сезган Тошкентбой олим босиқдик билан тушунтирган бўлди:

— Дўст деб юрганинг бир куни душманга айланиши бор гап. Хафа бўлманғиз, оқсоқол. Порахўрлик биззи миллатни чуқурликка олиб кетаётир. Бу иллат, охир кун келиб, бир кун раиятни ҳалок қиласадур. Камина Муҳаммад Ёқубнинг Эски шаҳарға оқсоқол бўлғанини эшишиб, чапак чалгандир, деб ўйлаган бўлсангиз, кўп хато фикрлабсиз. Йўқ, асло. Мен, бир кўришдаёқ у тасқарани ёқтиргон эмасман. Ўзингизта маълумки, Оллоҳнинг расули, жаноби Муҳаммад алайҳиссаломнинг муборак ҳадиси-шарифлари бор: «Яхшиликни чиройли юзлик кишилардан кутинглар», дейдилар. Ул зотнинг аҳли аёли ва барча қавм-қарин дошлари ҳамда саҳобаларига Оллоҳнинг беадад ҳамду санолари-ю саломлари бўлсин.

Орага сукунат чўқди. Ҳар бирлари ўзларининг фикр-ўйлари билан банд эдилар. Қуёш икки найза бўйи кўтарилиб-кўтарилимай ҳаво димиқиб кетди. Пешайвонли уйнинг остонасида Ҳасанхон томоқ қириб, кўриниш берди.

— Ҳасанхон, иним, кираберинг, тортилманг, — деб изн берди Тошкентбой олим.

Ҳасанхон табиатан жуда тортичкоқ ва тортиччилиги ювошлигига сингиб кеттанди. Аммо бу мақтовга муносиб феъли, уни бирорвга муте бўлишга изн беради, дегани эмасди. Ҳасанхон ўта довюрак, ҳар қандай қингирликни ёки ноҳақдикни кўрганда чидаб тура олмасди.

Ҳасанхоннинг хаёли дабдурустдан болалик йилларига қандай қилиб етаклаб кеттанини ўзи ҳам билмай қолди.

«Санинг феълинг амманг Нодирабегимга тортилганда», — Ҳасанхон онасининг ушбу таъкидларини ботбот эслаб туради. Мадрасада ўқиб, унча-мунча китоб мутолааси кўлидан келиб қолганда, бир куни қўшни-

синикига нима иш билан кириб қолди-ю, токчада турган яшил мұқовали китобга күзи түшди. Мазкур китоб қози Абдуннаби Ҳотифнинг шоира Нодира ҳақидағи хотиралари бўлиб, афсуски, у туталланмай қолган достон эди. Ҳасанхон, мазкур достонни ички бир иштиёқ билан ўқиб чиқди. Ўқиб чиқиб унинг таъсирида бир неча кун хаёли паришон бўлиб юрди. Ҳасанхоннинг бу ҳолати, албатта, уйдагиларнинг эътиборини тортмасдан қолмас эди. Биринчи бўлиб онаси сезди:

— Ҳа, ўғлим, нима бўлди сенга?

— Ҳеч нима! — деб жавоб берди совуққонлик билан Ҳасанхон.

Онаси бир зум ҳайрат билан тикилиб турди-ю, сўнгра индамасдан ичкари уйга кириб кетди. Ҳаёлга шўнғиб кетган Ҳасанхон торасининг кириб келганини сезмай қолди. Унинг ҳолатини бир оз кузаттан шекилли, ташқари ҳовлидан қўлидаги қамчисини ўйнатиб келаётган Ҳасанхоннинг дадасига кўзи тушгач, салом-алиқдан сўнг:

— Шу дейман, почча, жиянимиз Ҳасанхон шоир бўлади-ёв, ҳойнаход! Боядан буён кузатиб турибмен денг, гўёки бу дунёнинг барча ғам-андуҳлари аният елкасида-ю, у шу муаммолар устинда бош қотирадур.

— Билмадим ука, билмадим. Шоир, десангиз опамнинг қизи Нодирабегим хотирама келадур.

Ҳасанхон ялат этиб отасига қаради. Отаси бир қайнотасига разм солди ва Ҳасанхонга томон бурилди:

— Ҳа, тойчоқ, тинчликми?

Ҳасанхон айбдор кишилардек ерга қаради. Отаси ундан ҳамон жавоб кутаётганини сезгач, секин бошини кўтариб:

— Насрулло золим қатла этмиш эркан.

Ҳасанхондан бу тариқа жавобни кутмаган тоғаси ҳам, дадаси ҳам шайтонлаган кинилардек типирчилаб қолдилар. Айниқса, отаси. Шу тобда миясига жўяли фикр келмаганидан, фақат қамчисини этигига уриб:

— Шунақами? А-а, шунақа... ми? — дерди. Гўё томоғига бир нарса тикилиб қолгандек эди шу тобда.

Ўртага чўккан сукунатни Ҳасанхоннинг отаси бузди.

— Тойчорим, сиз буни қаердан билдингиз?

— Қўшнимизнинг токчасида кўрганим китобдан. Қизиқишим ортиб, ул китобни Сарви холадин сўраттириб олдим. Ҳўб яхши китоб эркан, дада...

Улфат аканинг боягина хуфтон бўлган дили яна ёришиб, яйраб кетди. У ўғлининг китобга меҳр қўйганидан жуда хурсанд эди. Шунинг учун ўғлининг ширин тилига тақлидан уни саволга тутди.

— Китобни ким битмиш эркан?

— Қози Абдуннаби Хотиф.

— Тойчоқ, сиз қачон китоб мутолаасини ўрганмокқа улгурдингиз? — яна қизиқсинди Улфат ака.

Болалигига борган Ҳасанхон отасининг бу сўзларини ўзича фаҳмлаб, ҳозиржавоблик билан деди:

— Ул китобни ўзим хатм айладим, дада. Мана, ҳозир...

Ҳасанхон шундай деганча ўзини ичкари уйга урди. Бир оздан сўнг, япил муқовали китобни бағрига босганича олиб чиқиб:

— Бисмиллоҳир раҳмонир роҳийм. — дея китобни очди ва дуч келган жойидан бийрон тил билан ўқий бошлади:

— Умархон вафотидан сўнг, бу иффат садафининг инжуси кунларни ҳасрату фироқ билан шу тариқа ўтишини ношукрчилик деб билди. У гулистондек Чашорчаман боғига бориб, Фарғона, Тошкент, Хўжанд, Андижон ва бошқа шаҳарлардан фозиллар, олимлар, ҳаттотлар, наққошларни ўз хизматига чақиртириб келди. Мамлакат хирожларидан беҳисоб тилла ва жавоҳирларни сарф қилиб бир мадрасаси олий, нақщдор масжид, ҳаммом, карвонсарой бино қилдири ва мадраса, масжидаларга ҳисобсиз вақфлар тайин қилди...

Улфат ака ўғлининг тугилмай бийрон тил билан китоб ўқишини тинглаб, завқланиб кетди-ю, даст кўтариб олиб, уйга кирди. Дастурхон бошида ҳам Ҳасанхон китоб ўқишини давом эттириди. «Бу кунларда яна китоблар ёэдириш ва уларга зеб-зийнат беришга фармон қилиб, бир китобхона бино эттириди. Ундаги котиблар, ҳаттотлар, наққошларга шундай карам ва эҳсонлар кўргуздики, бунинг овозаси атроф оламга машҳур бўлди. Амударёning бу томонидаги ёкутқалам котиблар, Мирали рақам роқимлар, Моний каби мусаввирлар бу ерга жамъ бўлдилар. Шундай қилиб, бу аёл ақду дониш ва яхши фазилатлари билан ягонаи замона, «Нодираи даврон» бўлиб таниди ва ҳалқлар таҳсинига сазовор бўлди».

Бир зумгина хаёл уммонига шўнгиган Ҳасанхонхонни Усмон мингбошининг сўzlари бўлди.

— Ҳаёл суриб қолдингиз, Ҳасанхон?

— «Нодираи даврон»нинг ота томонидан қарин-дошлиғи бордир каминага. — Нима демоқчи эканлигини англамаган учовлон ҳам ялт этиб Ҳасанхонга қаращилар. — Үрисни ғайридин деймиз, миллатимизнинг ашаддий душмани, деймиз, борингки, кофир деймиз. Аммо... аммо... Сўзи бўғзида қолган Ҳасанхоннинг кўзида ёш ҳалқаланди. Учовлон ҳамон гап нимадалигини англай олмай хуноб эдилар. Бу сафар Тошкентбой олимнинг ўзи сўз қотди.

— Ҳасанхон иним, нима гап? Тинчликми ўзи?

— Бу дайри дун қачон тинчиган эдики, энди тинчиди, ота? Йўқ тинчимайди, тинчимас. Токи, Насруллохонга ўхшаган қаттол амирлар ва уларнинг гумашталари бор экан... Мухаммад Ёқуб... Эҳ, уларнинг охири бормикин?

Ҳонага узоқ сукунат чўқди. Энди ҳар ким ўз хаёллари билан банд эди.

* * *

Кечак ўққа тутилганларга эртаси пешиндан сўнг жаноза ўқиди. Гарчи Тошкентбой олим ҳали батамом тузалиб кетмаган бўлса-да, ўғли Усмоналининг қаршилигига қарамай, жанозага қатнашишга жазм этди. Аслида, ўрис зобитлари ўққа тутилганларни бошқаларга сабоқ бўлсин, дея бир жойга жам этган эдилар, аммо улар нима қилишни билмай гарангсираб туришар, яна-да аниқроғи, ерли аҳолидан ҳадиксирамоқда эдилар.

Жанозага борган Тошкентбой олим, Усмон мингбoshi ва Зиёмуҳаммад оқсоқолни кўрган зобитлар, аскарлар ҳеч нима демасдан қолишибди. Балки хавотирлари янада ошиди. Йўқ, аскарларнинг ҳам, зобитларнинг хавотирлари ҳам ўринсиз экан. Тошкентбой олим бошчилигига ақди мўминлар барча кўргиликларни Оллоҳдан деб билдилар. Шаҳидлар жуда кўп эди. Шунинг учун қабристонга қўйиш узоқ вақт талаб этди. Шомга яқин ҳаммалари бирга уйга қайтишибди. Зиёмуҳаммад оқсоқол ҳам бирон-бир имо-ишорасиз Тошкентбой олимнинг ҳовлисига томон энган эди. Шаҳарнинг тор кўчаларидан тез-тез қадам ташлаб боришлари гўёки уларнинг бир нимага қасд қилганликларини англатарди. Аслида, улар шом намозига ошиқаёттан эдилар.

Ҳовлига этиб боргунча ҳеч кимдан садо чиқмади.

* * *

Хукмрон — Вақт,
Вақт — югурек.
Қаранг, биродарлар,
Үн олтига тұлған болам
Шеърлар битибди.

(Эски дафтардан)

Тошкентбой олим бетоб бўлиб ётиб қолгандан сўнг, ҳовлидаги эркаклардан ҳеч ким намозни масжида үқимай қўйган эди. Бу ҳол Тошкентбойнинг дилини бир четдан кемирар, ўзини гуноқкор деб биларди. Жойнамоз устида ўтирган Тошкентбой шуларни ўйлар экан, умрида илк бор, дуога қўл очиб, ўзи учун Яратгандан соғлиқ, омонлик, хотиржамлик тилади. У ҳеч қачон ўзи учун ҳеч нарса сўрамас: «Ўқиган намозими Яратганга миннат қиласманми?» дер эди.

Кечки овқатни бирга тановул қилдилар. Сўнгра Тошкентбой олим босиқлик билан сўзлай бошлади. Унинг овозида шикасталик зоҳир эди.

— Қулоқ беринглар, бу сўзларим ҳам насиҳат, ҳам васиятдир. Намозни уйда үқимасликка ҳаракат қилинглар. Масжида эса дунё ишларидан сўз очманларки, оқибатини мана кўриб турибсизлар. Ҳали бу — ҳолва. Ўриснинг мамлакатида бир тутқун шарпа изғийдир. Ҳадемай, ўша шарпа бу томонларга ҳам келиб қолса, ажабмас. Шунинг учун қўлларингдан келгунча ҳамюрларимизга яхшилик қилинглар, меҳр-оқибат кўрсатинглар, фарзандларни үқишига юборингизлар. Эндиликда Бухорои шариф мадрасалари бизни қониқтирмағайдир, зеро Оврупо ҳалқи ҳар соҳада биздин ўтиб кетаётир. Бизникилар эса ҳали ҳам бир-бирларига қир пичоқдирлар. Ахир, шунинг оқибатинда бу жаннатмакон ўлкани ўрис қўлиға топширмадиларму? Динимизни оёқости қилмадиларму? Қилдилар. Агар билсангиз мўминга неки мак粗х бўлса, шайтони лаъян уни жозибали ва хушрўй сувратда кўрсатади. Унинг макридан қочмоқ ва доимо тузогига тушмаслик учун хушёр бўлмоғимиз керақдур.

Тошкентбой олим яна анча-мунча сўзларни панд-насиҳат тарзида Усмон мингбошига айтди. Боядан буён бир чеккада мудраб ўтирган Зиёмуҳаммад ҳеч ким кутмаган мавзуни қўзграб, гап асносида Ҳасанхондан қўшиқ куйлашни илтимос қилди.

Табиатан мулойим кўринган Ҳасанхонга тортин-чоқлик аслида ёт эди. Айниқса қўшиқ куйлашни сўрашган чорида бу ҳол баралла намоён бўларди. Ҳасанхон бирпасда ҳужрасидан дуторини олиб келди-да, пардаларини созлагач, қўшиқ куйлай бошлади.

*Токай урасан Нодираларни,
Гулгунча юзли, бокираларни,
Навниҳол шоир-у шоираларни
Сенда аламим бор, Насрумлоҳ золим!
Фарқона мулкини вайронлар эттинг,
Ёш-қарилар барчасин қурбонлар эттинг,
Бокира тупроқларин сен қонлар эттинг,
Сенда аламим бор, Насрумлоҳ золим.*

— Офарин! Офарин! — деб юборди завқи тошиб Тошкентбой олим.

*Феруза гумбазли осмон остида
На чин мусулманмиз на кофир, тамом.*

Умар Хайём.

Усмон мингбоши отаси билан бомдод намозини гузар масжида жамоа билан бирга ўқиди. Ташқарига чикқач, маҳкамага бориш учун изи сўради. Субҳидамда нонуштага одатланмаган Усмоннинг феъли авторини яхши билган Тошкентбой олим рози бўла қолди.

Маҳкама остонасида уни Эски шаҳарлик Қосим палиднинг ўғли Муродилла кутиб ўтиради. Гарчи Туркистон Думаси томонидан хона Оврупача дид билан жиҳозланган бўлса-да, Усмон мингбоши уларнинг ҳеч биридан фойдаланмади. Айниқса, стол-студан. Бир неча маротаба ўрис маъмурларининг таъкидлашларига қарамасдан, барибир фойдаланмади.

Ўнкайроғи шу — бахмал кўрпача. Кўрпачага ўтирганча, фуқароларнинг арз-додини эшитар ва ҳар бир арзчининг муаммосини қўлдан келганча ҳал қилишга тиришар эди.

Усмон мингбоши остона четида қўлинни қўксига қўйганча илтижо билан қараб турган Муродиллога:

— Кираверинг, ука. Нима, арзингиз бор? — деди. Одатда бу Эски шаҳарликлар оқсоқолидан шикоят қилиб келардилар.

— Ё, тавба, — хаёлидан кечганди бир гал Усмон

мингбошининг, — одамлари ҳам оқсоқолига ўхшайди-я?

Усмон мингбоши Муродилланинг уст-бошига бир кур разм солди. У ҳамон қўлини кўксига қўйганча, хиёл эгилиб туради.

— Хўш, хизмат? — тақрорлади мингбоши. Муродилло дудуқланана-дудуқланана гап бошлиди:

— Ўрис қизига уйланмоқчи эдим, афсуски, у рози бўлмаяпти. Шунга...

— Хўш-хўш, — ҳам ажабланиб, ҳам жаҳди чиққан Усмон мингбоши, сўзингни давом эттиравер, деган маънода имо қилди. — Шу десангиз, у: «Агар ўз динингдан чиқиб, Исонинг динига кирсанг, мен сенга турмушга чиқаман», дейди.

— Сен-чи? Ўзинг нима дейсан? — сўради Усмон мингбоши.

— Нима ҳам дердим. Розиман. Фақат рухсат берсангиз деб...

Муродиллонинг гапи оғзида қолди. Бўлар-бўлмасга жаҳди чиқавермайдиган Усмонали бу сафар чинакамига тутокиб кетди.

— Йўқол кўзимдан! Ҳе... даюс!..

Маҳкамадан қандай қувиб чиқарилган бўлса, мишиблар Муродиллони шундай қувиб солдилар. Нима қиларини билмай боши қоттан Муродилло ўйлаб-ўйлаб, ниҳоят Қашқар маҳалласининг қуёш чиқар томонидаги ўрис маҳкамасига борди. Аввалига хўжакўрсинга бўлса-да илиқина кутиб олган маҳкамадагилар йигитнинг мақсадини билгач, унинг аҳволидан роса кулдилар, сўнгра бир барзанги маҳкамама ходими Муродиллонинг кетига шундай тепдики, бинодан қай йўсиңда чиқиб кетганини ўзи ҳам билмай қолди. Айниқса, кўзойнакни бурнининг устига қўндириб олган мalla сочли, чувалган қуюқ соқоли икки бетида кўпириб турган мужикнинг гапи ўтиб тушди-ёв!

— Сен ўз динингдан чиқиб, бизни динга киргач, нима каромат кўрсатар эдинг, ваҳший!

...Усмон мингбоши пешингта довур ўзига келолмай — фақат ҳақоратдан тийилиш учун «Астағфируллоҳ» калимасини неча бор қайтарди экан, билмади. Худди шу лаҳзада Усмонхоннинг хаёлини ташқаридан келган шовқин-сурон бузди.

— Нима гап, тинчликми? — сабри чидамаган мингбоши маҳкамадан чиқиб, эшикбонга юзланди. Бу ора-

да миршаблар етти-саккиз ёшлардаги уст-боши абгор болакайни изиллатиб судраб, маҳкама зшигига олиб келишди.

— Гунохи не бу боланинг? — сўради Усмонхон диққати ошиб.

— Нон ўғирлаётган пайтида қўлга тушиди, бек.

Усмонхон ҳеч нима демай маҳкамага йўналар экан, «Олиб киринг» ишорасини қилди.

Болага ичи ачиди: йиғлайвериб қовоги шишиб, овози бўғилиб қолган болакай ногоҳ, йиғидан тўхтаб, нажот илинжида Усмонхонга тикилди.

— Ота-онаңг борми?

— Йўқ, — боланинг овози титради. Афтидан, бу саволни ҳар куни эшитаверганидан жавобини сўзсиз ифода қиласигандек эди, бироқ болакай ўша алпозда давом этди:

— Ҳеч кимим йўқ. Бозорда ётиб юраман...

Усмонхоннинг кўзларида ҳалқаланган ёш юзига тизилди. Секин ўрнидан кўзғалди, кўз ёшларини ҳеч ким кўрмасин деган ўйда белидан белбоини ечдида, юзига босди.

— Отни келтиринглар! — Болани қўлидан етаклаб ташқарига олиб чиқди. Болакай ҳали-ҳамон ҳадиксираб турар, кўркувдан оёқларини базўр босарди. Афтидан, у ҳеч нарсани англамаёттандек эди.

Маҳкама отхонаси унчалик узоқ эмас эди. Миршаббоши бир зумда отни етаклаб келди.

Бултур баҳорда ўрис зобити совға қилган бу отни миршаблар «Ўрис от» деб аташарди. Усмонхон отта чапдастлик билан иргиб минар экан, шундай чаққонлик билан болакайни ердан даст кўтариб, эгарнинг олдига олди. Бу шунчалик тез рўй бердики, нозирлар пайқамай ҳам қолишли. У от жиловини бозордан сўнг ўнгга — эски маҳалла томон бурди. Отнинг ҳаракатини жуда тез деб бўлмасди. Одамлар бундай туёқ ташлашни «йўрга юриш» дейдилар. Шу юришида асрга яқин эски, деворлари нураб, пастқамлигидан пиёда кишига ҳам ҳовли сатҳи кўринадиган, аммо бир пайтлари шаҳарнинг нуфузли хонадонларидан бири бўлганиги шундоққини пешайвонли ўйдан ва баланд болахонасидан билиниб турган ҳовли олдига келиб тўхтади.

— Уста Абдукаҳҳорвой, — овоз берди бек отдан тушаётисб.

Усто Абдуқаҳдор дилкаш, шоиртабиат киши бўлиб, ўғил фарзанди йўқ эди. Шунинг учун кўнглиниңг бир чеккаси доим ғаш, бирон кишига шикоят қилгудек бўлса ҳам шу хусусда афсусланиб гапиради. Ҳовлиниңг бир бурчагидаги дўконида косибчилик билан шугууланаар, чарчаган кезларида, ичкари ҳовлига кириб, қизларини атрофга йигиб оларди-да, муқоваси уриниб кетган Мир Алишер Навоийниңг «Бадоев ул-бидоя» девонидан:

Ул паривашким бўлубмен зору саргардон анга,
Ишқидин олдам манга ҳайрону мен ҳайрон анга,—
деб бошланувчи язалини қайта-қайта ўқирди. Сурункали такрорлашдан ғазал қизларга ёд бўлиб кетган эди.

Усмонбек овоз берганида уста Абдуқаҳдор ичкарида, ўзининг таъбири билан айтганда «Ҳазрат-ла сирлашуб» ўтириб эди. Устанинг машгулоти минбошига хуш ёққаниданми ёки истараси жуда иссиқлигиданми — уни жуда яхши кўрар, ҳурмат қиласди.

Бир сафар келганида рўзгорини обдан ўргангандек уни солиқлардан озод қилди. Аслида эса бекнинг ўзи ўз ёнидан устанинг солиқларини тўлаб қўярди. Шу воқеадан сўнг Усмонхон бу оиласа жуда яқин бўлиб қолган, уста ҳам хонадон аҳдига таъкидлаган бўлса керак, бекдан ҳеч ким ўзини олиб қочмас эди.

— Амаки, келинг, ичкарига марҳабо, Отойим ичкари ҳовлидалар.

Ичкаридан чиқиб келган қизнинг қўнгироқдек овози дарвоза олдида бирмунча фурсат туриб қолган мингбошини сергаклантириди.

— Хўп бўлади, қизим, — деди-да болани етакланча ичкарига қараб юра бошлаган ҳам эдики, бекнинг овозини эшитган уста шоша-пиша унга пешвоз чиқди.

— Эй-эй! Бек ака, келинг, қайси шамоллар учирди? — деди у. — Болага назари тушгач ажабланиб, нима деярини билмай қолди. Устанинг аҳволини сезган Усмонхон ҳазиллашибди:

— Уста, уйга таклиф этасизми ёки шу ернинг ўзида дардимизни достон қилиб қайтаверайликми?

Шошиб қолган, қолаверса, хижолатпазликтан уста:

— Узр, бек ака, узр, густоҳлик қилибмиз, — деганича ичкарига бошлади.

Ховли шинам эди. Устанинг хотини жуда сарышта бўлиб, қўлидан келмайдиган юмуш йўқ, эди. Билган ҳунарларининг барини бўйга етиб қолган қизларига ҳам ўргатар, сўнгти икки йил ичида рўзгордаги барча юмушлар шу қизларнинг зиммасида эди. Мана, ҳозир ҳам кекса тут дарахти тагидаги супада жуда бежи-римгина қилиб тўшалган кўрпачага ўтирас экан, бек одатига кўра Қуръондан қисқа оятлардан бирини ўқиб, шу ерда яшаб ўтганлар ҳақига бағишлиди.

Бир оз у ёқ-бу ёқдан сухбатлашиб ўтирилар. Бу орада паловхонтўра ҳам сузилди. Таомни сухбат асносида еб бўлгач, Усмонхон муддаога ўтди.

— Уста, аслида паловхонтўра бир баҳона-ю, аммо бир илтимос билан келиб эдик.

— Бек ака, илтимос нимаси, буюринг, қандай юмуш бор?

— Аслида, — деб гап бошлаган бек, бир оз муддат боланинг заҳил ва рангпар юзига тикилиб. — Ўзимизнинг ҳовлида ҳам юраверса бўларди-ю, ўзингизга маълум, ташқари ҳовлида бошқалар қатори бир-икки нафар янгилардан бор.

— Бек, жоним билан. Бугундан эътиборан у оиласиз аъзоси бўлиб қолади. Ҳов, хотин, энди ҳар хил гаплар билан жигимга тегаверма. Бизлар ҳам оиласида икки киши бўлдик, — қаҳ-қаҳа отди уста.

Айвонда ўтирган хотини гап нимадалигини дарҳол пайқади-да, болани эҳтиёткорлик билан қучиб, бағрига босганча олиб кетди. Шу тобнинг ўзида қизлар гимирлаб қолишиди. Улар болакайни оналари билан биргалиқда чўмилтиришиди. Яқин орада чўмилмаган болакай баданига ҳар гал сув текканда сесканиб кетарди. Бундан қизларро ҳоҳтланиб кулишар ва болакайнинг устидан шовиллатиб сув қўйишарди.

Устанинг хотини ичкари уйдан бир бўхча олиб чиқди. Бу — ўрил болабоп уст-бош эди.

Болакайни кийинтириб супа ёнига олиб келишгач, Усмонхоннинг ўзи ҳам уни туйқус таниёлмади. Қошкўзи қоп-қора, иягидаги нўхатдеккина чукурча ярашиб тушган болани бир кўришда ҳар қандай киши ҳам ёқтириб қоларди. Бир оз кичкинароқ бўлса-да, беқасам чопон унга жуда ярашиб туарди. Устанинг хотини изоҳ берга бошлади:

— Шу десангиз, бек ака, Яратганинг ҳикматлари-га қойил қолмасдан иложи йўқ-да. Бундан чамаси ўн-

үн беш кунлар бурун хуфтон намозини ўқидиму кўзим бирпас илинибди. Шунда ғойибдан бир сас: «Даргоҳи кенг-да, мана, Мусалламхон, ўғиллик ҳам бўладиган бўлдингиз», деди. Бир неча сониядан сўнг кўзим очилди. Ўтириб таъбирини ўйлай-ўйлай, сандиқдан эски-туски бисотни кавлаб, ўзимча шу сарупони тайёрлаб қўйгандим. Болагинанинг насибаси экан-да!

— Ҳа, иншооллоҳ, бирор-бировнинг насибасига шерик бўлиш... ҳе, йўқ, бундай бўлмаган, ҳеч қачон.

— Ҳа, бек ака. Сизга раҳмат, насиб этса, шу боламнинг хат-саводини ўзим чиқараман.

Мусалламхоннинг бу гапи Усмонхонга тамомила янгилик эди. Шунинг учун ажабланиб устага қаради. Уста уялинқираб, бошини қимирлатиб тасдиқ маъносини билдири ва мийигида кулиб кўя қолди.

Аслида, эр ҳам, хотин ҳам Усмонхондан беш-олти ёш катта эдилар, аммо ҳурмат юзасидан «бек ака», деб мурожаат қилишарди.

— Мусалламхон янга, буни қаранг-а, илмли экан-лигингишни шу пайттacha билмаган эканман. Аммо нега мактабдорлик билан шуғулланмайсиз? Нима монелик қиладур, ахир ёрдамим тегиши мумкин-ку.

Чин юрақдан айтилаётган бу гапга уста Абдуқаҳ-хорнинг ўзи кўшилди:

— Тўгри, бек ака, қайси куни янгангиз айтиб эди. «Боринг, бек аканинг ҳузурига, рухсатнома олиб кeling, мактаб очамиз» деб...

— Нега бормадингиз? — сўзини бўлиб савол қотди бек.

— Ҳа, энди, шунча ёрдам бераяпсиз, яна...

— Қанақа ёрдам? Нималар деяпсиз, уста?

— Хўп, бек ака... шу андиша...

— Уста, — деди бек бир оз ҳовуридан тушиб. — Хуллас, гап шу: эртадан бошлаб уйингизда мактаб бўлади. Ҳўпми? Ўқийдирғони бордир, маҳаллада...

Шу билан сұхбат тутаб, Усмонхон шом сари уйига қайтди.

Мингбошининг ҳовлисига яқин мўъжазгина ерда бозорча бўлиб, бек уйга қайтгунча бозорчилар харидор бўлмаса-да, унинг йўлини пойлаб ўтиришарди. Бу сафар ҳам бозор олдидан ўта туриб, кимда нима қолган бўлса, ҳаммасини кўтара савдо қилиб олди.

Усмонхоннинг ташқари ҳовлисида кўплаб бева-бечоралар, етим-есирлар истиқомат қилишар, бояги нар-

саларни шуларни деб хариd қиларди. Айримлар бу ахволни тушунмасалар, бекнинг ўзи бу ҳолни шундай изоҳларди:

— Яраттанинг ўзи кимни бой, яна кимнидир бенаво қилиб қўйган. Бойларга синаш учун давлат берган. Буларнинг ризқини эса агар билсангиз, бизнинг қўлими билан берган, — дер эди доимо.

* * *

Тонг. Ҳали бомдодга аzon айтилган йўқ эдики, дарвозани кимдир асабий қоқди. Хизматкорлар бор-ку, деган ўй билан ёттан Усмонхон охири чидаёлмай дарвозани бориб ўзи очди.

— Бек ака, минг бор узр, тонгда келаман деб ўйловдим-у... аммо, ҳадеганда тонг отавермади. Уйқум ҳам келмади. Хуллас, сабрим чидамади, бек ака, сабрим!..

Остонада чамаси ўзи тенги озгин бир йигит турарди. Усмонхон уни болаҳонага таклиф қилди. Бемаҳал ташрифдан безовталантган Тошкентбой олим ҳам уларнинг ҳузурига кириб келди.

Бевақт келган меҳмон қўшни маҳаллалик косиблардан эди. У секин гап бошлади:

— Бек ака, ўзингиздан қолар гап йўқ. Аввало, бевақт келганимдан жуда хижолатдаман, аммо наилож. Кундузи дўконда бўлмасам бўлмайди. Ахир, энди бир эмас, уч оиласи тебратишм керак...

Тошкентбой олим косиб йигитнинг ташрифини ўзича тушунди.

— Каминага бир дақиқа ижозат этасизлар, — деб ўрнидан қўзғалган эди ҳамки, косиб йигит:

— Бой ота, ақча учун келганим йўқ. Қолаверса, мана, Усмонхон акам ёрдам қилиб турибдилар, лекин бу сафар билмадим... Нима десам экан?..

Косиб йигитнинг кўзларида ёш ҳалқаланди.

Ота-ўтил ҳамон гап нимадалигини англай олмай ҳайрон ўтиришарди.

Даврага чўккан совуқ сукунатни косиб йигитнинг ўзи бузди:

— Биласизлар, яқинда ўлат тоғамни ҳам олиб кетди. Қабристон томонга йўл ўрис маҳкамаси ёнидан ўтади. Тоғамни тобутини олиб кетаёттан эдик, ўрислардан бирорининг минирлаганини эшишиб қолдим. «Сартларнинг бу бедаво дарди бизга ҳам юқмаса эди», дерди. Бу ҳам майлику-я, улар «Минор» қабристони-

ни бугун зрталаб келиб, ёпиб кеттани чатоқ бўлди, бек ака.

Ота-ўғил ялт этиб бир-бирларига қараши. Тошкентбой олимнинг кўнглидан кечган саволини кўзидан уқдан Усмонхон дарҳол жавоб берди:

— Бугун, иншооллоҳ, аниқлик киритгаймиз.

Усмонхоннинг сўнгти сўзи маслаҳатга якун ясади. Муаззиннинг саңдувоч овозидек тароватли ва дилгоҳ саси янгради.

Усмонхон ўрис маҳкамасига кириб, вазиятни аниқлади. Улар аллақачон ўзларича қабристонни шаҳар чеккасидан очишга келишиб олишган экан. Маҳкамам ходимларидан бири жон куйдирив буни мингбошига тушинтирас, у эса губернаторга нисбатан қандай тадбир топиб қабристонни «Минор» ҳисобидан кенгайтириш ҳақида ўйларди. «Сиз билан бирга қабристонни кўришга тайёр губернатор жаноблари», деган ходим алдамаган экан. Губернатор хонасидан чиқиб келди.

— О-о, жаноб Тошкентбоев! Биласизми, шу қабристон масаласида сиз билан маслаҳатлашиб олишимиз, лозим бўлса, ўша ерни менинг фойтунимда айланниб келсак, дегандим, эътирозингиз йўқми? — деди губернатор виқор билан.

Усмонхон розилик билдиргач улар биргаллашиб ташкарига чиқишиди.

Аслида, «Минор» қабристони бу ердан узоқ эмасди, лекин янги қабристон шаҳардан жуда узоқ ердан танланган бўлиб, бу ҳол аҳолига катта қийинчилик туғдирарди.

Кўчада уларни фойтун кутиб турар, фойтунчини зимдан кузаттан Усмонхон уни кўҳистондан эканлигини билди-да:

— «Яланюоч» орқали ҳайди, — деди.

— Кўнглингиз хотиржам бўлсин, бек ака! — отга қамчи солди фойтунчи.

Усмонхоннинг тадбир қўллашдан бошқа иложи йўқ. Хавотирда эди, балки бу хавотир унинг ҳаётидаги биринчиси ва охиргисидир. Ўрис маъмурларни сўнгги йилларда жуда ҳадларидан ошдилар-да. Ахир, вабога қарши дори-дармонлар келтирамиз, деб ваъда беришган эдилар-ку. Қани ўша дори-дармонлари? Ерли аҳолининг урф-одатларини ҳурмат қиласиз, деб алдадилар. Ҳозир шаҳарнинг қай бурчагига қараманг,

ярим-яланюоч маржаларни кўрасиз. «Қовун қовундан ранг олади», деган гап бор. Майли, ҳозирча худога шукрки, юртдошларидан биронтасини бу ҳолда кўрган эмас. Лекин, ҳамма нарсани ҳал қиласидиган — вақт бор-ку! Шу юртдошлари эмасмиди, улар кўча-кўйда учраб қолди, дегунча, балога йўлиқкандан қочиб қоладиганлар. Энди-чи? Эй йўқ, вақт ўз ҳукмини ўтказади. Баъзи бир эркакларимиз ажнабий либосларга руҷуъ қилибдурлар. Ахир, эркаги кийган либосни кўриб турган заифалар, қизу жувонлар нечун киймасун? Албатта, эгниларига оладилар...

Шундай хаёллар оғушида Яланюоч қишлоғидан ўтиб, «Минор» қабристонининг орқа тарафига юрдилар.

— Жаноб Вребский, мана шу қабристонни кенгайтиришга рухсат этсангиз, — деди извошдан тушаркан Усмонхон. Мингбоши ўз фикрини очиқ ва дадил айтишини генерал Вребский яхши биларди. Беихтиёр бош тебратиб розилик билдирган генералга Усмонхон оддиндан тайёрлаб қўйган ҳужжатни қўйнидан чиқарип узатди. Генерал индамасдан имзо чекар экан, тадбирли мингбошига қараб истеҳзоли жилмайиб қўйди.

Кўнглимда йилмаган малаклар,
Шарқнинг оналари, жувонларими?
Қаршимда инграган бу жонлар кимлар,
Куллар ўлласининг инсонларими?

Чўлпон

Хуфтонни ўқиб бўлгач, Усмонхон ётоғига кирди. У ерда бир-биридан ширин фарзандлари ва уларнинг волидалари Замира ором олишарди. Усмонхон ўрнига киаркан, Замира томоқ қириб, одоб билан сўради:

— Бегим, сафарга қачон жўнайсиз?

— Эртага, насиб этса, бомдоддан сўнг. Шокир билан бирга жўнагаймиз.

— Қайси Шокир? Анави Амриқода ўқиттанингизми?

— Ҳа, ўша. Ўқиттанимиз кўп яхши бўлиб экан, мана бугун ёнимга кириб турадур.

— Вой-вой, ман ўлиб қолай-а, ёрдамидан. Ахир, бугун нима деб эди?

Усмонхон хотинининг соддалигидан жилмайиб қўйди-да:

— Хўш, бугун нима деб эди, Шокир?

— Сизга хизмат қилмайдурман ва лекин элга хизмат қиласман, деб эди-ю.

— Ҳай, менинг содда Замирам-а, ахир элга, миллатта хизмат этмоғи бу — менга хизмат этмоғи-ку.

— Хүш, Оқ подшонинг одами не деди бугун? — сўради Замира.

— Сиз, Петербургдан қайтгунга довур Туркистоннинг бир нафар йигитида мардикорликка олинмайдур, деб ваъда берди.

— Ишқилиб ваъдасида турсин-да, — деди Замира қандайдир хавотир ичида.

— Эй, бу томонидан қўрқма, мен уларга ҳалқ қўзғолон кўтаришини батафсил тушунтириб бердим. Қолаверса, ҳаммаси Оллоҳнинг иродаси-ю ҳоҳишига боғлиқ, Замира. Унинг амрисиз ҳеч нарса бўлмайдур.

— Бу — рост сўз, — деди Замира кўрпага бурканниб оларкан...

* * *

Орадан ўн кунча вакт ўтди ҳамки, Усмонхон билан Шокирдан дарак йўқ эди. Қўшни маҳалла оқсоқоллари, бошқа мингбошилар ҳам нима қилишларини билмай, кунора Усмонхоннинг ҳовлисига келиб сўраб кетадилар.

— Ҳа, Усмонхон биззигина эмас, балки Тошканинг боши ҳам эканлиги шундоққина, мана шу сафарга кеттанида билинди-қўйди, — деди кўкчалик Сошиболди мингбоши одатдагидек йўқловчи бўлиб бир келганида.

Кунлар бир зайдада ўтарди. Гарчи Оқ подшонинг ишонгани генерал Куропаткин Усмонхонга ваъда берган бўлса-да, аммо унинг одамлари маҳаллама-маҳалла юриб, зимдан рўйхат тузардилар. Ва, ниҳоят, Петербургта кетган Усмонхон ва Шокирлар қайтиб келибди, деган хабар яшин тезлигига шаҳарга ёйилди. Кўчадан суюнчига югуриб келган болаларга танга бериб юборган Замира икки кун оддин оқ шойидан кўйлак тикириб кийган эди. (Ахир у қаердан ҳам билибдики, оқ шойи кўйлаги бир умр эгнида қолади). Эрининг дарагини эшиттан Замира ёш қизлардек қувониб, ташқари ҳовлига отиldи-да, ўзини эрининг бағрига ташлади. Шокирнинг олдида Усмонхон дув қизарганча Замирани бағридан чиқарди-ю, шу заҳотиёқ гапни бошқа ёққа бурди.

— Мана, Замира, сенга айттан эдим-ку, агар тирик бўлсам, шу юртдан ҳеч бир кимса Русияниг борсан-келмас жойларига текинга ишлаш учун — мардикорликка бормайди. Эсингдами? Мана, ўша қоғоз, — Усмонхон ёш болалардек қувониб ёнидан бир қоғоз чиқариб Замирага узатди.

Замира қоғозни олиб, «Оллоҳим ўзингта шукр, минг қатла шукр» деркан, негадир ўзини ноҳуш сезиб тиззалааб ўтириб қолди. Бу ҳолат Усмонхоннинг кўз ўнгигда кечётган бўлса-да, ҳамон нима бўлаёттанини англай олмас эди.

Замиранинг: «Вой, дадаси», деган ичкин сасидан сўнгтина ўзига келиб, тиззалааб қолган умр йўлдошини даст кўтариб олиб ичкарига йўналди.

Замиранинг устига духоба кўрпа ёпаркан, ёнига секин ўзи ҳам ёнбошлади.

— Дадаси, негадир юрагим увишиб кетаяпти, — деди пичирлаб Замира.

— Менинг ҳам, — деди бир оздан сўнг Усмонхон.

Икковлари ҳам анча пайттacha жим қолишиди. Муаззин шомга аzon айтди. Ҳеч нима бўлмагандек, гўё икковлари ҳам туриб шом намозига чорландилар.

Кечки овқатни шунчаки тановул қилган бўлдилар. Томоқларидан ҳеч нарса ўтмади. Дастурхонга қисқагина фотиҳа ўқишгач, хобхонага кириди.

— Замира, болаларни ўқитмасдан қолдирмагин, бир парча қотган нон еб бўлса-да, ўқитгин. Улар ҳали ёш, аммо тарбияси билан фақат ўзинг шукуллангин.

— Вой, дадаси, нималар деяпсиз-а? — деди хавотир аралаш Замира.

— Ҳа, айтдим-қўйдим-да, онаси. Айттанча, зртага пешиндан сўнг «Ҳилла»лик бекнинг уйига меҳмондондорчиликка чақириб эди, — суҳбат мавзусини ўзгартирди Усмонхон.

— Ўша ҳилалик бекингиз ҳечам кўнглимга ўтиришмади-ўтиришмади-да. Фалати-ғалати одатлари борми-ей?... Устидаги кийим-бошини айтмаганда қолгани, ўрисникидан қолишмайди. Кеча дент, ўша бекнинг хотини билан Бибисешанбада бирга ўтириб қолиб эдик. Суҳбати ҳам, рийбати ҳам фақат ўриснинг маржаларидан. Бир уй хотиннинг нигоҳини, ишқилиб давранинг охиригача ўзидан уздирмади-да. Лекин ўзига лақаб орттириб олгани қолди.

— Хўш, аёллар нима деб лақаб қўйишибди, — Усмонхон астойдил қизиқсиниб сўради.

— Ўйига меҳмондорчилиқда бўлган ўрис маржала-ридан бири, бекнинг хотинига «Натапша», деб мурожа-ат қилибди.

Улар яна алламаҳалгача суҳбатлашиб, бедор ўтири-дилар.

Тонг. Усмонхоннинг юзи оқариб кетган бўлса-да, кўзлари ўша-ўша, — чақнаб чарақлаб турарди. Ҳов-лиларни эринмай айланиб чиқди. Хизматчиларга ало-ҳида-алоҳида юмуш тайинларкан тозалаб, супуриб-си-диришларини уқтириди. Улардан айримларига ёнидан чиқариб сўлкавойларни санамасдан берди. Хизматкор-лар ҳам ҳайрон бўлишганча, лабларини тишлаб қоли-шаверди. Рост, Усмонхоннинг бу ҳиммати биринчи ма-ротаба эмасди-ю, лекин бунчалик кўп миқдорда иона бермасди...

Усмонхон ҳеч қачон пешин намозини бу қадар узоқ ўқимасди. Бек жўнатган фойтун анчадан буён кўчада кутиб қолди. Усмонхон намозини ўқиб бўлиб ҳам негадир шопшилмасди. Яна бир маротаба ичкари-ташқари ҳовлиларни айланиб кўрди. Ҳовлидаги ҳар бир хонага кириб, узоқ вақт нима ҳақдадир ўйга чўмди, кимгадир нимадир демоқчи бўлди, аммо ўша кимса топилмади. Фарзандларини бир-бир бағрига босар экан, негадир унинг шундай қилиши узоқ сафарга жўнаб кетаёттан кишини эслатарди. Кенжা ўғлини бағ-рига оҳистагина босиб, ерга туширас экан, ўрнидан даст турди-да, кўчага чиқиб анчадан буён кутиб тур-ган фойтунга ўтириди.

— Бекнинг янги фойтуни йўқ эди-ку. — Даbdуруст-дан миясига келган ушбу фикр уни янада фойтунга қизиқтириди. Энди у чинданам фойтуннинг у ёғи-бу ёғини упилаб кўрар, юмшоқ ўринидигини силаб-сийла-лаб қўярди...

Мана, ўша «Ҳилла» маҳалласи. Илк муюлишдан ўтгандан сўнг, шундоққина чап тарафдаги ҳовлилар-дан бири — бекнинг ҳовлиси. Ҳа, ана, ҳовлида анча-гина одам йигилган шекилли, кириб-чиқди гавжум. Усмонхонни бекнинг ўзи илтифот билан кутиб олди, аммо негадир унинг нигоҳидаги бесаранжомлик юра-гини жизиллатиб ўтди.

Супада шаҳарнинг казо-казолари жамланган бўлиб, Усмонхон ўша ёққа ўтиши билан гурр этиб барчалари

ўрниларидан туриб, истиқболига пешвоз чиқдилар. Биринчи бўлиб Усмонхонни бағрига босган Ҳакимхон эшон бўлди. Эшоннинг обрў-эътибори, шаҳар ҳокиминикидан кам эмас эди.

— Қани, почча, Оқ подшодан олиб келган қоғозни кўрсатинг, — деди Ҳакимхон эшон, барчалари ўтириб, дуои фотиха ўқиганларидан сўнг, Усмонхон Петербургдан олиб келган туркистонликларни мардикорликка олинмаслиги хусусидаги Оқ подшо — Николай Иккичи томонидан шахсан имзо чекилган ҳужжатни атайлаб ўзи билан олиб келганди. Сабаби, бекнинг меҳмондорчилик қилаёттанининг маъно-моҳияти ҳам бошқа нарса эмасди. Усмонхон қўлидаги ҳужжатни олиб келган кунидаёқ, ўрис тўраларнинг пайтавасига курт тушиб қолди. Ўша куниёқ ҳужжатни губернатор Куропаткинга кўрсатишга улгурган Усмонхоннинг тақдирни эса ўша туни зудлик билан ўтказилган йиғилипда ҳал қилинди. Табиийки, бундай хуфёна йиғинларнинг деярли барчасига ҳиллалик бек тақлиф этилар ёки бетакаллуф бораверарди. Ўша тун вақт алламаҳал бўлганига қарамай губернатор кичкина зиёфат бериб, ҳиллалик бекга муҳим «топшириқ»ни юклиди. Топшириқни илк даъфа эшиттан бек, аввалига анча вақттacha караҳт ўтириди-ю, аммо устма-уст кўтарилиган қадаҳ бирпасда ўз ишини қилди. Губернатор Куропаткиннинг:

— Ахир, бек, қачонгача шундай юрасиз? Усмонхондан қаерингиз кам? Бундок ўйлаб кўрсам, шаҳарнинг барча мингбошиларига оқсоқоллик қилиш вазифаси сизга ярашар экан, — деган алдов далдаси, бекнинг бошидан аслида йўқ хушини тамоман учирди. Аммо бек пулга, мол-дунёга ўчлигини шу ерда ҳам ҳаспўшламай:

— Жаноб, бизлардаги зиёфатта менга ўхашаш бойларнинг куч-кудрати етавермайди, — деди.

Куропаткин чўнтағидан бир даста пул чиқариб, бекнинг олдига қўйди-ю, бекнинг ўйнаб турган кўзларига қараб, бошини сарак-сарак қилганча, чарчаганлигини, уйқуси келаёттанини баҳона қилиб, ўрнидан турди. Шу билан кичкина зиёфатта хотима ясалди...

Даврадагиларнинг барчаси овқатланиб бўлиб, шунчаки сұхбатлашиб ўтирган пайтда, ташриф буюрган Усмонхонга алоҳида овқат олиб келинди. Одатicha сеқин-секин таомланишга ўргангандан Усмонхон бу сафар

ёнидаги шерикларидан хижолат бўлибми, бирпасда шўрвани ичib қўйди-ю, зум ўтмай ўзини ғалати сеза бошади. Негадир бошида жуда қаттиқ оғриқ туриб, кўнгли бехуд бўлди. Аммо билдирамасликка қанча урин-масин, ранги қув ўчганлиги ён-атрофда ўтирганларга ҳам сезилиб қолди.

Усмонхон мезбондан кетиш учун ижозат сўрашга ҳам зўрга куч-мадор топди...

Мингбошининг хонадони бир зумда одамлар билан тўлиб кетди. Замира кичкина қизчасини кўтариб олганча унинг хоналарига бирма-бир кириб, ниманидир қидираради. Қайта-қайта қайт қилавергач, чақирилган ўрис дўхтир хоним келиб, қайт қилинган кўмкўк сувни кўриб:

— Заҳарланиби, — деди.

Фойтунга зўра чиқарилган Усмонхоннинг ёнига яна икки киши чиқиб ўтирди. Йўлда кетаётиб бир оз муддат ҳушини йўқотган мингбошининг қўлтиғига қўл урган йигитлардан бири бир варак қоғозни олиб, фойтундан сакраб тушдида, орқасига қараганча югурди...

Орқама-орқа етиб келган Ҳакимхон эшон аллақачон жон таслим қилган Усмонхоннинг юзига юзини кўйиб йигилар эди:

— Ох, миллатим, ўзбегим. Энди мардикорликка кетар бўлибсан-да!

Шўрлик миллат қирқ тўрт ёшида хоинлик қурбони бўлган яна бир асл фарзандидан айрилган эди.

Сўнгги сўэ ўрнида

Бисмиллоҳир раҳмонир раҳийм.

Аллоҳумма солли ъала руҳи саййидина Мұхаммадин фил арвоҳ ва солли ъала қабри саййидина Мұхаммадин фил кубур. Ва ъала алиҳи ва соҳбиҳи ва саллим.

Ҳукмингиздаги мазкур қисса «Моҳият» газетасида «Хоинлик қурбони» сарлавҳаси остида чоп этилишидан сал илгарироқ «Ўзбекистон» радиоканалининг «Маънавият» бош мұхарририятида бир неча маротаба «Истиқлол фидойилари» туркум эшиттиришларида эфирга узатилган эди.

Миллатимизнинг асл фарзанди, зиёли, мунаvvар жадидларнинг дўсти, ҳаммаслаги Усмонхон мингбоши Тошкентбой ўғли ҳакидаги материалнинг қўнимга тушишига оддий бир воқеа сабаб бўлган. Микрохирургия бўйича ноёб мутахассис, тарих фанининг мухиби Мирзоанвар Мирзарасулов билан республика радиоси Уйи олдида танишганман.

Талабалик йилларидан Тошкент шаҳри ва унинг маҳаллаларидағи одамларнинг турмуш тарзи, тақдирни билан қизиқиб, улар ҳакида маълумотлар тўплаб юрган Мирзоанвар aka қўлларидағи газет орасидан учтўрт саҳифани каминага узаттанларидан билдимки, бу саҳифалар ҳали ҳеч бир матбуотда эълон қилинмаган. Мирзоанвар aka миллатимиз жонкуяри, тадбиркор ва ишбilarмон Усмонхон мингбоши Тошкентбой ўғлини кўрганларнинг, сұхбатидан баҳраманд бўлиб, мурувватидан ҳаёти изга тушиб кеттаң кишиларнинг бир неча нафарини турли йилларда излаб топиб, уларнинг хотираларини эринмай қоғозга тупирганлар. Кези келгандан таъкидлаш лозимки, Мирзоанвар аканинг саъйҳаракати билан камина ҳам шундай зотлардан — Шоасл Шомансуровнинг зиёратига бориб, у кишининг 100 ёшларида дуоларини олиш баҳтига муюссар бўлганимдан мамнундирман.

Гарчи мазкур қисса ҳужжатли дейилса-да аслида асар давомида бирорта ҳам ҳужжатнинг фото нусхаси,

унинг баёни келтирилмаган. Сабаб, бугун архивларда Усмонхон мингбоши Тошкентбой ўғлига тегишли бўлган бирорта-бир ҳужжат афсуски сақданиб қолмаган.

Мирзоанвар ака жарроҳлик қилиб юрган кезлари, бир бемор қизчани ўта мураккаб операциядан ўтказиб, тез ва қисқа фурсат ичида даволайдилар. Бемор қизчанинг онаси Масков ва бошқа йирик шаҳарларнинг касалхона бўсағаларида тунни тонгта улаган, анчагина сарсон-саргардан бўлиб, ниҳоят қизи Тошкентда шифо топгач, уни даволаган шифокор Мирзоанвар акага миннатдорчилик билдириб, бир даста пулни олдига қўяди.

Мирзоанвар ака аёлнинг касби-корини сўрайди. Аёл Давлат архивида юқори лавозимлардан бирида ишлашини айтгач, Мирзоанвар ака мақсадини баён қиласди.

Ҳафта-ўн кун Усмонхон мингбоши Тошкентбой ўғлига тегишли бўлган ҳужжатларни қидирган архив ходимлари, афсуски, ҳеч қандай ҳужжат топиша олмайди.

— Ҳужжатлар шу яқин йиллир ичида йўқолган, — деб жавоб беради аёл.

Ватанинг асл ўғлони — Усмонхон мингбоши Тошкентбой ўғидан эса фарзандлар, набиралар ва ўша йилларда абадиятта муҳрланган бир донагини сурат қолган, холос.

Усмонхон мингбоши Тошкентбой ўғлининг авлодлари айни пайтда Тошкент шаҳрида истиқомат қилишади.

Бироқ бу сулоланинг барча вакиллари билан танишиб сухбатлашишнинг имкони бўлмади. Ушбу қиссани битишга, барча маълумотларни тўплашга ёрдам берган Мирзоанвар ака Мирзарасуловга чексиз миннатдорчиликимни изҳор этаман.

Тарих — хомуш қабристон эмас, унинг ўз котиблари, нозирлари, солномачилари, хуллас, қаттиққўл ва аёвсиз сарҳисобчилари бор. Фидойи мингбошига оид далил ва бўхронлар осори атиқалар орасида «войиб» бўлган бўлса-да, дунёда хотира номли собит ҳакам бор. Шу боисдан ҳам биз бугун хотирини шод этмоқчи бўлган миллатимизнинг буюк фарзанди ва унинг хизматлари одамлар қалбida абадий яшайверади. Ворислар бугун гоҳ «Минор», гоҳ «Самарқанд дарвоза», гоҳ «Чигатой» қошидан ўтишаркан бу ерда фақат бан-

далик вазифасини адо этиб мангулик сукутга чўмган марҳумларни эмас, балки бугунги тириклик чорбоғла-рига қўша-қўша дарахтлар эккан, девору қўрғонлари-та кўрак-кўрак лой ва гувалаклар ташиб берган тирик инсонлар ёттанини унутмасликлари керак. Миллат, Ва-тан ва иймон йўлида хизмат қилган бандаларни Оллоҳ таоло ўз раҳмат ва мағфиратига олган бўлсин. Омин, ё Раббил-оламийн.

*Муаллиф.
2005 йил. Тошкент.*

КАМОЛИДДИН МИНГБОЕВ
МИНГБОШИ

«Шарқ» нашриёт-матбаа
акциядорлик компанияси
Бош таҳририяти
Тошкент — 2007

Мұхаррир Р. Бойтұра

Бадий мұхаррир М. Аъламов

Техник мұхаррир Р. Бобохонова

Мусахидлар: Ж. Таирова, М. Зиямұхамедова

Сақиғаловчы А. Шағиулина

Теришта берилди 5.09.2006. Босишига рухсат этилди 16.01.2007.
Бичими 84x108^{1/32}. Балтика гарнитураси. Офсет босма. Шартла бос-
ма табори 2,10. Нашриёт-жисоб табори 1,98. Адади 2000 нұсқа. Бу-
йортма № 3012. Баҳоси келишилгән нархда

**«Шарқ» нашриёт-матбаа акциядорлык компанияси
босмахонаси, 100083 Тошкент шаҳри, Буюк Түрон, 41.**